

Zeitschrift: Il glogn : calender dil pievel : annalas per historia, litteratura e cultura romontscha

Band: 20 (1946)

Artikel: La crusch de Tenna : ina regurdientscha ord il survetsch activ

Autor: Caminada, B.

DOI: <https://doi.org/10.5169/seals-881460>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 04.05.2025

ETH-Bibliothek Zürich, E-Periodica, <https://www.e-periodica.ch>

La crusch de Tenna

Ina regurdientscha ord il survetsch activ da B. Caminada

Marschar a Crusch de Tenna
Fa grond sterment e tema,
E tonaton han trentatreis
Giu priu la via sutta peis.

Nies litinent emprem
Ha fatg schi bein il quen,
In tal strapaz de maz
Fan quels er senz'il spaz.

Pertgei pomai, o di:
Fas ti schi de vadi?
Ils ventganov de matg
Has giu quei bien patratg:

La patria stos defender
Persuenter lais tei pender.
O paupra libra paupradad
Defender vi cun tschoccadad.

Cun in surir schi malizius
Casparis ha schi devozius
Ils trentatreis giu salidau
E nus el suadetsch bugnau.

Cun buis e caura
En tutt'aura
Nus essan i
Da Tenna si.

O Crusch de Tenna
O Crusch de Tenna
Con bial'eis ti
Sil cuolm leusi.

Sco ina bova e lavina
Nus vein avon ch'ei seigi glina
La plaunca teissa tschuncanau
E buca mo empau sgiavlau.

Arezia, de Stussavia il portal
Ha nus plaunsiu menau a val.
Sco prischuniers schi bandunai
Nus fuvan el suadetsch bugnai.

Terrai e bunamein sco morts,
Ei fuva nossa tresta sort
Nus essan sesterni dal plaun vi
E levan nuota pli star si.

Nies Bühler, litinent emprem
Vegn tier nus tut en in fem.
Jeu sai, el pren da nus fetg malpuccau
E vess bugen il puls tuccau.

«Uss vinavon mes mats
E buc fagei sco tats.
Quei varga tut puspei
Sche vus mo steis en pei.»

E vinavon nus uss marschein
E beinsavens è ruassein.
Schischend el chis a mesa veia
O-jégher-ca mareia.

La seit nus stinschentein
Cul suadetsch che nus furschein
Naven dal frunt bugnau
Pertgei nus vein quel fetg lumiau.

Ei catscha dis
E nus dein is.
Stussavia-Platz
Tgei bi palaz.

Vargadas ein quitordisch uras
E nus vein fatg schi biaras turas
O Crusch de Tenna, seigies salidada
Pertgei da nus eis ti bandischada.

Magun, magun, con vits eis ti?
O pei, con fleivels eis er ti?
Co dol'a nus oz pomai il dies
Gie mintga det e mintga ies.

Pulenta freid'e suppa rara
Pilver quei ei la tratga cara
Che vegn a nus survida uss
E dat puspei empau repos,

O patria, ti Grischun
Has propi giu raschun
De nus en tala moda castigiar
Perquei che nus levan tei schurmiar.

N.B. Ei sefracta cheu buca mo d'in spass,
mobein da pura realitad. Il strapaz ei vargaus
e la schuldada ha buca ditg suenter puspei gu-
diu siu bien humor; mo tuttina, quella remini-
scenza vegnan quels 33 mai ad emblidar.